



FOTO: FLURIN ANDRY

*Jacques Guidon davant in da ses purtrets ch'el ha be gist picturà.*

## Jacques Guidon survegn Premi cultural 2006

**CUIRA – LA REGENZA GRISCHUNA SURDAT IL PREMI CULTURAL 2006 A L'ARTIST JACQUES GUIDON.**

Cun il premi undrescha ella l'engaschament da l'Engiadinais per la lingua e la cultura rumant-

scha, sco era per sias prestaziuns sco artist, teatrist ed autur. «La nova che jau survegn il

premi è propi stà ina surpraisa per mai, tantpli che jau hai adina puspè crititgà la lavour politica e perfin era la regenza grischuna», di Jacques Guidon. L'artist è activ en differents secturs, el na pictura be, el scriva er raquints e tocs teater. Co fa'l a chattar il temp per tut questas activitads? «Jau sun stà tut mia vita sco l'asen tranter dus tocs fain», menziunescha l'artist, «igl'era adina in dilemma per mai, sche jau scriveva pensava che la musa da la pictura sa chatta in zic negligida e viceversa.» Che questa vita dubla sin il chomp da l'art saja per la paja fitg ritga e's fructifitgescha vicendaivlain, agiunscha'l. Jacques Guidon è activ adina puspè er per il teater rumantsch: «Cun il teater na pon ins be promover la lingua, il pli bel eveniment è l'amicizia ch'i dat tar las gruppas da teater cun emprender il toc.» Il premi dotà cun 20 000 francs vegn surdà ils 10 november a Cuira en la sala dal cussegel grond.

*anr*